



Kaupapa
Miharo

Wero Tākīrirangi

Ngā Tohutohu mō te Whāinga 5: Ngā tōpana rerenga

Whakahāngaihia te ture neke tuatahi a Niutana ki te ao tākīrirangi!

Ko te ture tuatahi a Niutana

Ka whakaroau tonu tētahi hanga (arā, e kore e neke), ka neke tonu rānei mō āke tonu atu i taua tere tonu o te haere, e tōtika ana hoki te haere mēnā kāore tētahi atu tōpana e pā ki taua hanga.

Nō reira, e kore tō tākīrirangi e rere atu i te papa ki te kore tētahi tōpana e pā ki tō tākīrirangi.

Ngohe 1

Tuhia te tōpana tika i te taha o ngā whakamārama i raro nei:

Taumaha

Tōpana hiki

Torohaki

Tōpana ātete

Ko te tōpana ka pā ki tō tākīrirangi e rere ai te tākīrirangi i te hau takiwā

Ko te tōpana ka pā ki tō tākīrirangi e tauaro ana ki tana rerenga i te hau takiwā

Ko te tō ā-papa ka pā ki tō tākīrirangi

Ko te tōpana e pūmau tonu ai te noho o tō tākīrirangi




Ngohe 2

E toru ngā tōpana matua e hāngai ana ki tēnei hoahoa tākīrirangi. Whakakīia ngā pouaka ki ngā tōpana tika.

I te whakarewanga


Tōpana = torohaki -
(tōpana ātete + taumaha)



- Ka rere whakarunga te tākīrirangi.
- Ka tere ake te haere.

Kia mutu te torohaki

Tōpana = tōpana ātete +
taumaha



- Mā te ānga e rere whakarunga tonu ai te tākīrirangi.
- Ka pōturi ake te haere.